

Visoki predstavnik se sastao s ministrom vanjskih poslova Finske



Na sastanku održanom danas u Sarajevu, visoki predstavnik Valentin Inzko i ministar vanjskih poslova Finske Erkki Tuomioja razgovarali su o trenutnoj političkoj situaciji i posljedicama nedavnih poplava u Bosni i Hercegovini.

Visoki predstavnik istaknuo je ozbiljne humanitarne, ekonomske i ekološke izazove s kojima se ova zemlja suočava kao rezultat katastrofalnih poplava. Zahvalio je Finskoj i Evropskoj uniji na brznoj i velikodušnoj pomoći u akcijama spašavanja i pomoći nakon poplava.

Razgovarajući o političkoj situaciji, visoki predstavnik izrazio je zabrinutost zbog sporog provođenja reformi i stalnih izjava kojima se dovodi u pitanje teritorijalni integritet Bosne i Hercegovine. Istaknuo je da predstojeći opći izbori predstavljaju šansu da građani zahtijevaju odgovornost političkih lidera zbog nedostatka napretka posljednjih nekoliko godina. "Rezultati oktobarskih izbora će odrediti šta se može postići u sljedeće četiri godine i u kom smjeru će zemlja ići", rekao je Inzko.